

समां - 12:25 hrs.

<><><><><><>

#### LG-UHQ Meeting

उपराज्यपाल मनोज सिन्हा होरें जम्मू-कश्मीर च मौजूदा सुरक्षा स्थिति दा जायजा लैने लेई श्रीनगर आहले राजभवन च Unified Headquarters दी इक बैठक दी अध्यक्षता कीती। बैठक च सेना दी उत्तरी कमान दे कमांडर लैफ्टिनेंट जनरल प्रतीक शर्मा मुख सचिव अटल डुल्लु, DGP नलिन प्रभात- सेना दी 15 कोर दे GoC लैफ्टिनेंट जनरल प्रशांत श्रीवास्तव, 16 कोर दे GoC Lt. जनरल पी.के. मिश्रा, 9 कोर दे GoC लैफ्टिनेंट जनरल राजन शरावत एयर वाइस मार्शल विकास शर्मा ते सशस्त्र बल दे सीनियर एहलकार केन्द्री थेहारबंद बल ते जम्मू-कश्मीर पुलसै दे वरिष्ठ अधिकारियें सनें खूफिया एजेंसियें ते सिविल प्रशासन दे सीनियर अधिकारी बी मौजूद हे। उपराज्यपाल होरें प्रवेश च हाल च चलाए गेदे आतंकवाद-रोधी अभियानें दी सफलता लेई सुरक्षाबलें, जम्मू-कश्मीर पुलस ते खूफिया एजेंसियें दे तालमेल दी सराहना कीती। उनें आखेया जे आतंकवाद खलाफ लड़ाई अजें खत्म नैई होई ऐ ते असेंगी अपने जतन बरोबर जारी रक्खने होगन। उनें अफसरें गी आखेया जे आतंकवाद ते ओहदे समूलचे नैटवर्क खलाफ सख्त कारवाई अत लाजमी ऐ। उपराज्यपाल होरें सुरक्षा बवस्था गी निगगर बनाई रक्खने दे निर्देश दिते ते कट्टरवाद कन्नै असरदार तरीकें कन्नै निबड़ने लेई सब्भनें गी किट्ठै रलियै कम्म करने लेई आखेया।

<><><><><><>

## LG-Tourist Spots

Unified Headquarters दी बैठक च सुरक्षा सरबन्धी पूरी-पराती समीक्षा ते बक्ख-बक्ख पैहलुएं पर चर्चा करने दे मगरा उपराज्यपाल मनोज सिन्हा होरें जम्मू-कश्मीर दी 12 होर सैलानी थाहरें गी परतियै खोलने दी घोषणा कीती ऐ, जिनेंगी 22 अप्रैल गी पहलगाम च होए दे आतंकवादी हमले दे मगरा एहतियातन आरजी तौरा पर बंद करी दिता गया हा। इनें सैलानी ते धार्मिक थाहरें चा 5 थाहरां जम्मू खिते दियां ते 7 कश्मीर घाटी दियां न। एह् थाहरां 29 सितम्बर थमां सैलानियें आस्तै परतियै खोली दितियां जागंन। जिंदे च रामबन च डग्गन टॉप, कठुआ च ढग्गर, रियासी च चिकाह, रियासी दी गै सलाल थाहर शिव गुफा ते डोडा च पादरी शामिल न। एह् सब्भै थाहरां जम्मू खिते दियां न। इस्सै चाली कश्मीर घाटी च आरु वैली, यानेर, राफ्टिंग प्वाइंट, अक्कड़ पार्क, अनंतनाग च दारा शिकोह गार्डन, कमान पोस्ट, बारामुला च इकोपार्क सनें होरनें सैलानी थाहरां बी 29 सितम्बर थमां गै खोलियां जा करदियां न।

<><><><><><>

## LG-SSK

लैफ्टिनेंट गवर्नर मनोज सिन्हा होरें कल राजभवन च एल.जी सैनिक सहायता केन्द्र दे इक वेब-पोर्टल दी शुरुआत कीती। इस केन्द्र दी कारकरदगी गी होर बधाने आस्तै प्रशासन नै पोर्टल [lgssk.jk.gov.in](http://lgssk.jk.gov.in) गी शुरु कीता ऐ। बायज़ेंग -एन आसेया विकसित एह पोर्टल केन्द्र लेई सहायक उपकरण दे तौरा पर कम्म करोग, जेहदे कन्नै सशस्त्र बल ते केन्द्री थेयारबंद बलें च अपनी सेवा देयारदे सैनिकें दी भलाई-बेहतरी गी यकीनी बनाया जाई सकोग। एहदे राहें शकैतें ते कारवाइयें गी असानी कन्नै दर्ज कीता जाई सकोग ते अधिकारियें ते आवेदकें दोनै आस्तै ट्रैक करने दा Feature उपलब्ध कराया जाहग।

आवेदक [lg-ssk-jk@jk.gov.in](mailto:lg-ssk-jk@jk.gov.in) पर ई-मेल राहें जां फही डॉक राहें LGSSK Room No. 56 Ground Floor सिविल सचिवालय श्रीनगर, पिनकोड- 190001 जां फही सिविल सचिवालय जम्मू च Treasury कश एल.जी. सहायता केन्द्र च डॉक राहें आवेदन कीता जाई सकदा ऐ। एहदे लेई पिनकोड ऐ-180001.

<><><><><><>

CM-Pencak Silat

मुख्यमंत्री उमर अब्दुल्ला होरें कल श्रीनगर दे शेर-ए-कश्मीर इंडोर खेड्ड परिसर च त्री जूनियर एशियाई पैनचॉक सिलाट चैम्पियनशिप 2025 दा आधिकारिक तौर पर उदघाटन कीता। 30 सितम्बर तगर चलने आहली इस प्रतियोगिता च 11एं मुख्यएं थमां युवा खडारी हिस्सा लै रदे न। मुख्यमंत्री होरें गलाया जे पिच्छले 10एं बरे दौरान जम्मू-कश्मीर च तेजियै कन्नै प्रचलित होआ रदी पेनचॉक सिलाट Martial Art कन्नै उंदी एह पैहली-पैहली औपचारिक मलाटी ऐ। उदघाटनी समारोह च खेड्ड मंत्री सतीश शर्मा होर बी शामिल हे।

<><><><><><>

CM-Raabita

मुख्यमंत्री उमर अब्दुल्ला होरें श्रीनगर च राबिता दफतर च बक्ख-बक्ख प्रतिनिधिमंडले ते लोकें कन्नै मलाटी करियै उंदी चिंताएं ते समस्याएं गी सुनेया। इनें प्रतिनिधिमंडलें च जम्मू-कश्मीर टीचर्स फोरम, सिविल सोसाईटी बारामुला ते जम्मू-कश्मीर कर्मचारी तालमेल कमेटी दियां टीमां शामिल हियां। मुख्यमंत्री होरें सब्भनें नुमायंदें दी गल्ल बड़ी गौर कन्नै सुनी ते उनेंगी यकीन दोआया जे उन्दी जायज शकैतें दा नबेड़ा कीता जाहग।

एहदे इलावा पंजाब सरकार दे पंजाब विरासती ते सैलसफा संवर्धन बोर्ड दे सलाहकार दीपक बाली होरें मुखमंत्रि उमर अब्दुल्ला हुंदे कन्नै मलाटी करियै दौनें सरकारें बशकार सहयोग ते तालमेल बारे बचार-बटांदरा कीता।

<><><><><><>

आकाशवाणी दा क्षेत्रीय समाचार एकांश जम्मू “सेवा पर्व 2025” दे तैहत अपने बशेश कार्यक्रमें दी श्रृंखला दे इक हिस्से दे तौरा पर अज्ज 30एं मिन्टें दी इक विशेष परिचर्चा प्रसारत करा’रदा ऐ, जेहदा विशे ऐ- “इक विश्व-शक्ति दे रुपै च उभरदा भारत”। इस कार्यक्रम च साढ़े परौहने होडन वरिष्ठ पत्रकार मनु श्रीवत्स जेहड़े इस विशे दे बक्ख-बक्ख पैहलुएं पर अपने बचार सांझे करडन।

साढ़े अज्जै दे कार्यक्रम दे परौहने वरिष्ठ पत्रकार मनु श्रीवत्स हुंदे कन्नै गल्लबात करडन साढ़े न्यूज एंकर अभिलाषा शर्मा ते जगमोशन शर्मा। एह पूरा कार्यक्रम तुस अज्ज दपैही साइदे 12 बजे साढ़े इस्से चैनल मीडियम वेव 303 मीटर यानी 990 किलोहर्टस ते एफएम 100 इशारिया 3 मैगाहर्टस पर सुनी सकदे ओ।

<><><><><><>